

宋
名
家
詞

刻宋名家詞序

夫詞至宋人而詞始霸曼衍

繁昌至宋而詞之名始大備

其人韻之秀世其詞沒鮮

豔端人有新脫而無因陳

有圓傷而無沾滿有纖

惡而無冗長有峭拔而無鉤

鍊耐之以廣和名而教吹

中原不重肩摩手於世云古

夢召子晉毛氏爲心汲古

風流閑雅甚都蓋有然韻士

也家住昆湖之北凡遇快事喜

二序

亭堂之宇輒收梓以行古杭

懷萬之客頻嘉楨雖言剏廟葺

百子餘人悉以汗馬相角鄰榮

之上涉蕩扶疎而江左稱名苑

書者無喻毛氏之於刻宋

名詞凡十人擴撫雋柔各具

本色余乃而以上之藝輕酣暢

若同林之玄超小山之流媚柳

在田之畔空厓調六一居士之

清風多風琴之氣按拍加以按

翁之卓絕山名之菊疎雅海

之零芳東堂之振藻堅為

引商至於多安之風襟帶上

睥睨望前放翁之不倫之語

乾坤莽蕩又勸之為之震

蒙濡足以游之如公者人各具一

四月

詞、各呈一候、好事者或於

皓月、當此、澹初、放、重、流、歎

醉、秋、意、の、吟、命、童子、執、紅、牙

板、對、下、朋、浮、石、便、撫、蘭、歌、

既為懷焉 劃括在囑而恒個焉

若教唾丸王白去嗣河之沙

衣袖也 或謂為枝園扇桃葉

釵頭有盤西角之蟠經以設

泥犁之種子其然亦在不然乎

則濮之桑田胡以不刪而慈惠

詔世尊且也元獻父也移新澤

氏諸果子立躬建議大義炳如

公餘耽賞之暇詠之於時為

小令時化長吟雅志所成歌

其以辭固凡雅之別流而詞

至之逸致也夫宇宙間詩之

系、賴豈一而西、聚管、篋琵琶
 然、為海、即、後、定、知、友、詞、調、勢
 編、段、重、光、溢、市、性、而、在、屬、元
 朝、之、所、收、而、參、伍、諸、錄、文、為、南

北凡官之所必察在平在來畢

子下韞然以不穀也淫望慙

玄晏自茲伊始浸假而十三經

又浸假而二十一史余且宿之捐索以

從事焉則鼎刻也
呂子云

遊戩三昧之也
繡經播史核

字流融且以為諸刻之嚆

可也

冰蓮道人夏樹芳書

宋名家詞一集總目

第一冊

珠玉詞一卷

晏殊

第二冊

六一詞一卷

原本三卷

歐陽脩

第三冊

樂章集一卷

原本九卷

柳永

第四冊

宋名家詞 一集總目

一

汲古閣

東坡詞一卷

原本二卷

蘇軾

第五冊

山谷詞一卷

黃庭堅

第六冊

淮海詞一卷

原本三卷

秦觀

第七冊

小山詞一卷

晏幾道

第八冊

東堂詞一卷

毛滂

第九冊

放翁詞一卷

原本二卷

陸游

第十冊

稼軒詞四卷

原本十二卷

辛棄疾

宋名家詞

一
集總目

二

汲古閣

宋名家詞一集總目

珠玉詞

目錄

點絳脣

一調

浣溪沙

十二調

清商怨

一調

菩薩蠻

四調

訴衷情

七調

採桑子

七調

酒泉子

二調

望仙門

三調

謁金門

一調

清平樂

五調

更漏子

四調

相思兒令

二調

喜遷鶯

五調

撼庭秋

一調

胡搗練

一調

秋蕊香

二調

滴滴金

一調

燕歸梁

二調

望漢月

一調

少年遊

四調

雨中花

一調

迎春樂

一調

紅窗聽

二調

睿恩新

二調

玉樓春

十調

鳳啣盃

三調

踏莎行

五調

臨江仙

一調

蝶戀花

七調

玉堂春

三調

漁家傲

十三調

破陣子

四調

瑞鷓鴣

二調

殢人嬌

三調

連理枝

二調

長生樂

二調

山亭柳


一調

拂霓裳

三調

珠玉詞目錄終

珠玉詞

宋


點絳脣

露下風高井梧宮簾生秋意
画堂筵啓一曲呈珠綴
天外行雲欲去凝香袂
爐煙起斷腸聲裏
歛盡雙蛾翠

浣溪沙

舊刻十三闋攷青杏園林
炎酒香是永叔作今刪去

閨苑瑤臺風露秋整鬟凝思
捧觥籌欲歸臨別

強遲畱 月好謾成孤枕夢酒闌空得兩眉愁
此時情緒悔風流

又

三月和風滿上林牡丹妖豔直千金惱人天氣
又春陰 爲我轉回紅臉面向誰分付紫臺心
有情須帶酒盃深

又

向誤入南
唐二主詞

一曲新詞酒一盃去年天氣舊亭臺夕陽西下

幾時廻 無可奈何花落去似曾相識燕歸來
小園香徑獨徘徊

又

紅蓼花香夾岸稠綠波春水向東流小船輕舫
好追遊 漁父酒醒重撥棹鴛鴦飛去却回頭
一盃銷盡兩眉愁

又

淡淡梳粧薄薄衣天仙模樣好容儀舊歡前事

入顰眉 閒役夢魂孤燭暗恨無消息畫簾垂
且畱雙淚說相思

又

小閣重簾有燕過晚花紅片落庭莎曲闌干影
入涼波 一霎好風生翠幕幾回疎雨滴圓荷
酒醒人散得愁多

又

宿酒纔醒厭玉卮水沉香冷嬾熏衣早梅先綻

日邊枝 寒雪寂寥初散後
春風悠颺欲來時
小屏閒放畫簾垂

又

綠葉紅花媚曉煙
黃蜂金蕊欲披蓮
水風深處
嬾回船 可憐異香珠箔外
不辭清唱玉樽前
使星歸覲九重天

又

湖上西風急
算蟬夜來清露溼
紅蓮少畱歸騎

促歌筵 爲別莫辭金盞酒入朝須近玉爐煙
不知重會是何年

又

楊柳陰中駐彩旌
芰荷香裏勸金觥
小詞流入管絃聲
只有醉吟寬別恨
不須朝暮促歸程
雨條煙葉繫人情

又

一向年光有限身
等閒離別易銷魂
酒筵歌席

莫辭頻 滿目山河空念遠落花風雨更傷春
不如憐取眼前人

又

玉腕冰寒滴露華粉融香雪透輕紗晚來妝面
勝荷花 鬢鞵欲迎眉際月酒紅初上臉邊霞
一場春夢日西斜

清商怨

向誤入歐集按詩話或問元獻公
雁過南雲云云確是公作今增入

關河愁思望處滿漸素秋向晚雁過南雲行人

珠玉詞

四

汲古閣

同淚眼 雙鸞衾 惆悵夜又永 枕孤人遠夢
未成歸 梅花開塞管

菩薩蠻

芳蓮九菰開 新艷輕紅淡 白勻幾臉一 朶近華
堂學人宮樣粧 著時斟美酒 共祝千年壽 銷
得曲中誇 世間無此花

又

秋花最是黃葵好 天然嫩態迎秋早 染得道家

衣淡妝梳洗時 曉來清露滴一一金盃側插
向綠雲鬟便隨王母仙

又

人人盡道黃葵淡 儂家解說黃葵豔可喜萬般
宜不勞朱粉施 摘取承金盞勸我千長算擎
作女眞冠試伊嬌面看

又

高梧葉下秋光晚 珍叢化出黃金盞還似去年

時傍欄三兩枝 人情須耐久花面長依舊莫
學蜜蜂兒等閒悠颺飛

訴衷情

舊刻入黃真乃常林綴
重重其子體自个別

青梅煮酒闌時新天氣欲殘春東城南陌花下
逢著意中人 回繡袂展香茵叙情親此時拚
作千人游絲惹住朝雲

又

東風楊柳欲青青煙淡雨初晴惱他香閣濃睡

撩亂有啼鶯 眉葉細舞腰輕宿粧成一春芳
意三月和風牽繫人情

又

芙蓉金菊鬪馨香天氣欲重陽遠村秋色如画
紅樹間疎黃 流水淡碧天長路茫茫憑高目
斷鴻雁來時無限思量

又

數枝金菊對芙蓉搖落意重重不知多少幽怨

珠玉詞

六

汲古閣

和露泣西風
人散後月明中
夜寒濃謝娘愁
臥潘令閒眠心事無窮

又

露蓮雙臉遠山眉
偏與淡妝宜
小庭簾幙春晚
閒芙蓉柳絲垂
人別後月圓時
信遲遲心心念念
說盡無憑只是相思

又

秋風吹綻北池蓮
曙雲樓閣鮮
画堂今日嘉會

齊拜玉爐煙 斟美酒祝芳筵奉觥船宜春耐
夏多福莊嚴富貴長年

又

世間榮貴月中人嘉慶在今辰蘭堂簾幙高卷
清唱遏行雲 持玉盞歛紅巾祝千春榴花壽
酒金鴨爐香歲歲長新

採桑子

春風不負東君信徧拆羣芳燕子雙雙依舊啣

形三言 一 七
泥入杏梁 須知一盞花前酒占得韶光莫話
匆忙夢裏浮生足斷腸

又

紅英一樹春來早獨占芳時我有心期把酒攀
條惜絳蕤 無端一夜狂風雨暗落繁枝蝶怨
鶯悲滿眼春愁說向誰

又

陽和二月芳菲徧暝景溶溶戲蝶遊蜂深入千

花粉豔中 何人解繫天邊日占取春風免使
繁紅一片西飛一片東

又

櫻桃謝了梨花發紅白相催燕子歸來幾處風
簾繡戶開 人生樂事知多少且酌金盃管咽
絃哀慢引蕭娘舞袖迴

又

石竹

古羅衣上金針樣繡出芳妍玉砌朱欄紫豔紅

珠玉詞

汲古閣

英照日鮮 佳人面閣新妝了對立鼓邊試摘
嬋娟貼向眉心學翠鈿

又

時光只解催人老不信多情長恨離亭滴淚春
衫酒易醒 梧桐昨夜西風急淡月朧明好夢
頻驚何處高樓雁一聲

又

林間摘徧雙雙葉寄與相思朱槿開時尙有山

榴一兩枝 荷花欲綻金蓮子半落紅衣晚雨
微微待得空梁宿燕歸

酒泉子

三月暝風開却好花無限了當年轂下落紛紛
最愁人 長安多少利名身若有一盃香桂酒
莫辭花下醉芳茵且畱春

又

春色初來徧被紅芳千萬樹流鶯粉蝶鬬翻飛

戀香枝 勸君莫惜縷金衣
把酒看花須強飲
明朝後日漸離披
惜芳時

望仙門

紫薇枝上露華濃
起秋風
管絃聲細出簾櫳
象筵中
仙酒斟雲液
仙歌轉繞梁
虹此時佳會
慶相逢
慶相逢
歡醉且從容

又

玉壺清漏起微涼
好秋光
金盃重疊滿瓊漿
會

仙鄉 新曲調絲管新聲更颭霓裳博山爐暎
泛濃香泛濃香爲壽百千長

又

玉池波浪碧如鱗露蓮新清歌一曲翠睂頻舞
華茵 滿酌蘭英酒須知獻壽千春太平無事
荷君恩荷君恩齊唱望仙門

謁金門

秋露墜滴盡楚蘭紅淚往事舊歡何限意思疊

珠玉詞

汲古閣

如夢寐 人貌老于前歲 風月宛然無異座有
嘉賓 樽有桂 莫辭終夕醉

清平樂

春花秋草只是催人老 總把千山眉黛掃 未抵
別愁多少 勸君綠酒金盃 莫嫌絲管聲催 兔
走烏飛不住 人生幾度三臺

又

秋光向晚小閣初開 讌林葉殷紅 猶未徧雨後

青苔滿院 蕭娘勸我金卮殷懃更唱新詞算
去朝來卽老人生不飲何爲

又

春來秋去往事知何處燕子歸飛蘭泣露光景
千畱不住 酒闌人散草草閒堦獨倚梧桐記
得去年今日依前黃葉西風

又

金風細細葉葉梧桐墜綠酒初嘗人易醉一枕

珠玉詞

一

十一

汲古閣

小窗濃睡 紫薇朱槿花殘斜陽却照闌干雙
燕欲歸時節銀屏昨夜微寒

又

紅牋小字說盡平生意鴻雁在雲魚在水惆悵
此情難寄 斜陽獨倚西樓遙山恰對簾鉤人
面不知何處綠波依舊東流

更漏子

薜華濃山翠淺一寸秋波如剪紅日永綺筵開

暗隨仙馭來 遇雲聲回雪袖占斷曉鶯春柳
纔送目又顰眉此情誰得知

又

塞鴻高仙露滿秋入銀河清淺逢好客且開眉
盛年能幾時 寶箏調羅袖軟拍碎画堂檀板
須盡醉莫推辭人生多別離

又

雪藏梅煙著柳依約上春時候初送雁欲聞鶯

珠玉詞

十二

汲古閣

綠池波浪生 探花開畱客
醉憶得去年情味
金盞酒玉爐香任他紅日長

又

菊花殘梨葉墮可憐良辰虛過
新酒熟綺筵開
不辭紅玉盃 蜀絃高
羞管脆慢颭舞娥香袂
君莫笑醉鄉人熙熙長似春

相思兒令

昨日探春消息湖上綠波平
無奈繞堤芳草還

向舊痕生 有酒且醉瑤觥更何妨檀板新聲
誰教楊柳千絲就中牽繫人情

又

春色漸芳菲也遲日滿煙波正好豔陽時節爭
奈落花何 醉殺擬恣狂歌斷腸中贏得愁多
不如歸傷紗窗有人重画雙蛾

喜遷鶯

風轉蕙露催蓮鶯語尙綿蠻堯蓂隨月欲團圓

眞馭降荷蘭 褰油幕調清樂四海一家同樂
千官心在玉爐香聖壽祝天長

又

歌歛黛舞縈風遲日象筵中分行珠翠簇繁紅
雲鬢裊瓏璁 金爐煖龍香遠共祝堯齡萬萬
曲終休解画羅衣畱伴綵雲飛

又

花不盡柳無窮應與我情同航船一棹百分空

何處不相逢 朱絃悄知音
少天若有情應老
勸君看取利名場
今古夢茫茫

又

燭飄花香掩爐中夜
酒初醒画樓殘照
兩三聲
窗外月朧明 曉簾垂
驚鵲去好夢不知
何處
南園春色已歸來
庭樹有寒梅

又

曙河低斜月淡簾外
早涼天玉樓清唱
倚朱絃

餘韻入疎煙
臉霞輕肩翠重欲舞釵鈿搖動
人人如意祝爐香萬壽百千長

撼庭秋

別來音信千里恨此情難寄碧紗秋月梧桐夜
雨幾回無寐樓高目斷天遙雲黯只堪顚顚
念蘭堂紅燭心長焰短向人垂淚

胡搗練

小桃花與早梅花盡是芳妍品格未上東風先

拆分付春消息 佳人釵上玉尊前
朵朵穠香 堪憺誰把彩毫描得免
恁輕拋擲

秋蕊香

梅蕊雪殘香瘦 羅幙輕寒微透
多情只似春楊 柳占斷可憐時候
蕭娘勸我盃中酒 翻紅袖
金烏玉兔長飛走 爭得朱顏依舊

又

向曉雪花呈瑞 飛徧玉城瑤砌
何人剪碎天邊

桂散作瑤田瓊蕊
蕭娘歛盡雙蛾翠
麝香袂
今朝有酒今朝醉
遶莫更長無睡

滴滴金

梅花漏泄春消息
柳絲長草芽碧
不覺星霜鬢
邊白念時光堪惜
蘭堂把酒留嘉客
對離筵
駐行色
千里音塵便疎隔
合有人相憶

燕歸梁

雙燕歸飛遶画堂
似畱戀虹梁
清風明月好時

光更何況綺筵張
雲衫侍女頻傾壽酒加意
動笙簧
人人心在玉爐香
慶佳會祝筵長

又

金鴨香爐起瑞煙
呈妙舞開筵陽春一曲動朱
絃
斟美酒泛觥船
中秋五日風清露爽猶是
早涼天
蟠桃花發一千年
祝長壽比神仙

望漢月

千縷萬條堪結
占斷好風良月
謝娘春晚先多

珠玉詞

汲古閣

愁更撩亂絮如雪
短亭相送處長憶得醉中
攀折年年歲歲好時節怎奈有人離別

少年遊

重陽過後西風漸緊庭樹葉紛紛朱闌向曉芙
蓉妖豔特地闌芳新
霜前月下斜紅淡蕊明
媚欲回春莫將瓊萼等閒分畱贈意中人

又

霜華滿樹蘭凋蕙慘秋豔入芙蓉
臙脂嫩臉金

黃輕蕊猶自怨西風
前歡往事當歌對酒無
限到心中更憑朱檻憶芳容
腸斷一枝紅

又

芙蓉花發去年枝
雙燕欲歸飛
蘭堂風軟金爐
香煥新曲動簾帷
家人拜上千春壽
深意滿瓊卮
綠鬢朱顏道家裝束長似少年時

又

謝家庭檻曉無塵
芳晏祝良辰
風流妙舞櫻桃

清唱依約駐行雲
榴花一盞濃香滿爲壽百
千春歲歲年年共歡同樂嘉慶典時新

雨中花

剪翠妝紅欲就折得清香滿袖一對鴛鴦眠未
足藥下長相守莫傷細條蕤嫩藕怕綠刺罥
衣傷手可憐許月明風露好恰在人歸後

迎春樂

長安紫陌春歸早
柳垂楊染芳草被啼鶯語燕

催清曉正好夢頻驚覺
當此際青樓臨大道
幽會處兩情多少莫憖明珠百琲占取長年少

紅窗聽

淡薄梳粧輕結束天付與臉紅眉綠斷環書素
傳情久許雙飛同宿一餉無端分比目誰知
道風前月底相看未足此心終擬覓鸞絃重續

又

記得香閨臨別語彼此有萬重心訴淡雲輕靄

知多少隔桃源無處 夢覺相思天欲曙依前
是銀屏画燭宵長歲暮此時何計託鴛鴦飛去

睿恩新

芙蓉一朵霜秋色迎曉露依依先拆似佳人獨
立傾城傷朱檻暗傳消息 靜對西風脉脉金
蕊綻粉紅如滴向蘭堂莫厭重新免清夜微寒
漸逼

又

紅絲一曲傍階砌珠露下獨呈纖麗剪鮫綃碎
作香英分彩線簇成嬌蕊 向晚羣花新悴放
朶朶似延秋意待佳人插向釵頭更裊裊低臨
鳳髻

玉樓春

東風昨夜回梁苑日脚依稀添一線旋開楊柳
綠蛾眉暗折海棠紅粉面 無情一去雲中雁
有意歸來梁上燕有情無意且休論莫向酒盃

容易散

又

簾旌浪卷金泥鳳
宿醉醒來長鬢鬆
海棠開後曉寒輕
柳絮飛時春睡重
美酒一盃誰與共
往事舊歡時節動
不如憐取眼前人
免使勞魂兼役夢

又

燕鴻過後鶯歸去
細算浮生千萬緒
長於春夢

幾多時散似秋雲無覓處
聞琴解佩神仙侶
挽斷羅衣畱不住勸君莫作獨醒人
爛醉花間
應有數

又

池塘水綠風微暖記得玉真初見面
重頭歌韻
響鐸深入破舞腰紅亂旋
玉鈎闌下香階畔
醉後不知斜日晚當時共我賞花人
點檢如今
無一半

又

玉樓朱閣橫金鎖寒食清明春欲破窗間斜月
兩眉愁簾外落花雙淚墮朝雲聚散真無那
百歲相看能幾箇別來將爲不牽情萬轉千回
思想過

又

朱簾半下香銷印二月東風催柳信琵琶旁畔
且尋思鸚鵡前頭休偕問驚鴻去後生離恨

紅日長時添酒困未知心在阿誰邊滿眼淚珠
言不盡

又

杏梁歸燕雙回首黃蜀葵花開應候画堂元是
降生辰玉盞更斟長命酒 爐中百和添香獸
簾外青蛾回舞袖此時紅粉感恩人拜向月宮
千歲壽

又

珠玉詞

汲古閣

紫微朱槿繁開後枕簟微涼生玉漏玳筵初啓
日穿簾櫳板欲開香滿袖紅衫侍女頻傾酒
龜鶴仙人來獻壽歡聲喜氣逐時新青鬢玉顏
長似舊

又

春葱指甲輕攏撚五彩條垂雙袖捲雪香濃透
紫檀槽胡語急隨紅玉腕當頭一曲情無限
入破錚鏦金鳳戰百分芳酒祝長春再拜斂容

擡粉面

又

紅條約束瓊肌穩拍碎香檀催急袞
墉頭嗚咽水聲繁葉下聞關語近
美人才子傳芳信
明月清風傷別恨未知何處有知音
長爲此情言不盡

鳳銜盃

青蘋昨夜秋風起無限個露蓮相倚
獨凭朱闌

珠玉詞

汲古閣

愁放晴天際空目斷遙山翠
彩箋長錦書細
誰信道兩情難寄可憐良辰好景歡娛地只恁
空顚顚

又

留花不住怨花飛向南園情緒依依可憐倒紅
斜向一枝枝經宿雨又離披
凭朱檻把金卮
對芳叢惆悵多時何況舊歡新寵阻心期滿眼
是相思

又

柳條花類惱青春更那堪飛綠紛紛一曲細絲
清脆倚朱唇斟綠酒掩紅巾追往事惜芳辰
暫時間畱住行雲端的自家心下眼中人到處
覺尖新

踏莎行

細草愁煙幽花怯露凭欄總是銷魂處日高深
院靜無人時時海燕雙飛去帶暝羅衣香殘

朱玉詞

汲古閣

蕙炷天長不禁迢迢路垂楊只解惹春風何曾
繫得行人住

又

祖席離歌長亭別宴香塵已隔猶迴面居人匹
馬映林嘶行人去棹依波轉西閣魂消高樓
目斷斜陽只送平波遠無窮無盡是離愁天涯
地角尋思徧

又

碧海無波瑤臺有路思蛩便合雙飛去當時輕
別意中人山長水遠知何處綺席凝塵香闥
掩霧紅牋小字憑誰附高樓目盡欲黃昏梧桐
葉上蕭蕭雨

又

綠樹歸鶯雕梁別燕春光一去如流電當歌對
酒莫沉吟人生有限情無限弱袂縈春修蛾
寫怨秦箏寶柱頻移雁樽中綠醕意中人花朝

月下長相見

又

小徑紅稀芳郊綠徧高臺樹色陰陰見春風不
解禁楊花濛濛亂撲行人面翠葉藏鶯朱簾
隔燕爐香靜逐遊絲轉一場愁夢酒醒時斜陽
却照深深院

臨江仙

資善堂中三十載舊人多是凋零與君相見最

傷情一尊如舊聊且話平生 此別要知須強
飲雪殘風細長亭待君歸覲九重城帝宸思舊
朝夕奉皇明

蝶戀花

舊七首致玉枕冰寒銷暑氣是子瞻作梨葉疎紅蟬韻歇是永叔作

今刪去又宋二首向另刻鵲踏枝攷是一調今併入仍七首

一霎秋風驚画扇豔粉嬌紅尚折荷花面草際
露垂蟲響徧珠簾不下畱歸燕 埽掠亭臺開
小院四坐清歡莫放金盃淺龜鶴命長松壽遠

陽春一曲情千萬

又

紫菊初生朱槿墜月好風清漸有中秋意更漏
乍長天似水銀屏展盡遙山翠 繡幕卷波香
引穗急篋繁絃共愛人間瑞滿酌玉盃繁舞袂
南春祝壽千千歲

又

刻東坡詞

簾幕風輕雙語燕午醉醒來柳絮飛撩亂心事

一春猶未見餘花落盡青苔院
百尺朱樓間
倚徧薄雨濃雲抵死遮人面
消息未知歸早晚
斜陽只送平波遠

又

六曲闌干偎碧樹楊柳風輕展盡黃金縷
誰把
鈿箏移玉柱穿簾海燕雙飛去
滿眼游絲兼
落絮紅杏開時一霎清明雨
濃睡覺來鸚鵡語
驚殘好夢無尋處

珠玉詞

又

上二首或刻六一詞

南雁依稀迴側陣
雪霽牆陰偏覺蘭芽嫩
中夜夢餘消酒困
爐香卷穗燈生暈
急景流年都一瞬
往事前歡未免縈方寸
臘後花期知漸近
寒梅已作東風信

又

向另刻鵲踏枝

檻菊愁煙蘭泣露
羅幙輕寒燕子雙飛去
明月不諳離恨苦
斜光到曉穿朱戶
昨夜西風凋

碧樹獨上高樓望盡天涯路欲寄彩箋 尺素
山長水濶知何處

又

紫府羣仙名籍祕五色斑龍暫降人間媚海變
桑田都不記蟠桃一熟三千歲 露滴彩旌雲
遶袂誰信壺中別有笙歌地門外落花隨水逝
相看莫惜尊前醉

玉堂春

帝城春暝御柳暗遮空苑
海燕雙雙拂颺簾櫳
女伴相攜笑繞林間路
折得櫻桃插髻紅
昨夜臨明微雨新英徧
舊裝寶馬香車欲傍西池
看觸處楊花滿袖風

又

後園春早殘雪尙濛煙
草數樹寒梅欲綻香英
小妹無端折盡釵頭朶
滿把金尊細細傾
憶得往年同伴沉吟無限情
惱亂東風莫便吹零

落僭取芳菲眼下明

又

斗城池館二月風和煙暝繡戶珠簾日影初長
玉轡金鞍繚繞沙堤路幾處行人映綠楊小
檻朱闌回倚千花濃露香脆管清絃欲奏新翻
曲依約林間坐夕陽

漁家傲

舊刻十四首致粉筆丹青
補求得是六一詞刪去

画鼓聲中昏又曉時光只解催人老求得淺歡

風日好齊喝調神仙一曲漁家傲
綠水悠悠
天杳杳浮生豈得長年少莫惜醉來開口笑須
信道人間萬事何時了

又

荷葉荷花相間鬪紅驕綠掩新妝就昨日小池
疎雨後鋪錦繡行人過去頻回首
倚徧朱闌
凝望久鴛鴦浴處波文皺誰喚謝娘斟美酒
舞袖當筵勸我千長壽

又

荷葉初開猶半卷
荷花欲折須微綻
此葉此花
真可羨
秋水畔
青涼綠映紅
妝面
美酒一盃
畱客宴
拈花摘葉
情無限
爭奈世人多聚散
頻祝願
如花似葉
長相見

又

楊柳風前香百步
盤心碎點真珠露
疑是水仙
開洞府
妝景趣
紅幢綠蓋
朝天路
小鴨飛來
珠玉詞

惆悵處三三兩兩能言語飲散短亭人欲去畱
不住黃昏更下蕭蕭雨

又

葉下鷓鴣眠未穩風翻露颭香成陣仙女出遊
知遠近凝眸問饒將綠扇遮紅粉一掬蕊黃
霑雨潤天人乞與金英嫩試折亂條醒酒困應
有恨芳心易盡情無盡

又

罨畫溪邊停彩舫。仙娥繡被呈新樣。颯颯風聲
來一餉。愁四望。殘紅片片隨波浪。瓊臉麗人
青步障。風牽一袖低相向。應有錦鱗閒倚傍。秋
水上。時時綠柄輕搖颺。

又

宿蕊鬪攢金粉。闌青房暗結蜂兒小。歛面似啼
還似笑。天與貌。人間不是鉛華少。葉軟香清
無限好。風頭日脚乾催老。待得玉京仙子到。剛

向道紅顏只合長年少

又

臉傳朝霞衣翦翠重重占斷秋江水一曲採蓮
風細細人未醉鴛鴦不合驚飛起欲摘嫩條
嫌綠刺閒敲西扇偷金蓮半夜月圓珠露墜多
少意紅腮點點相思淚

又

越女採蓮江北岸輕橈短棹隨風便人貌與花

相鬪豔流水慢時時照影看粧面
蓮葉層層張綠繖蓮房箇箇垂金盞
一把藕絲牽不斷紅日晚回頭欲去心撩亂

又

粉面啼紅腰束素當年拾翠曾相過
密意深情誰與訴空怨慕西池夜夜風兼露
池上夕陽籠碧樹池中短棹驚微雨水泛落英何處去
人不悟東流到了無停住

又

幽鶯慢來窺品格
雙魚豈解傳消息
綠柄嫩香
頻採摘
心似纖條條不斷
誰牽役
粉淚暗和
清露滴
羅衣染就
秋江色
對面不言情
脉脉煙
水隔
無人說
似長相憶

又

楚國細腰元自瘦
文君臙臉誰描就
日夜鼓聲
催箭漏
昏復晝
紅顏豈得長依舊
醉拆嫩房

和盡嗅天絲不斷清香透却傍小闌凝望久風
滿袖西池月上人歸後

又

嫩綠堪裁紅欲綻蜻蜓點水魚遊畔一霎雨聲
香四散風颭亂高低掩映千千萬萬總是凋零
終有恨能無眼下生畱戀何似折來教粉面勤
看翫勝如落盡秋江岸

破陣子

珠玉詞

三十二

汲古閣

海上蟠桃易熟人間好月長圓惟有璧釵分鈿
侶離別常多會面難此情須問天 蠟燭到明
垂淚照爐盡日生煙一點淒涼愁絕意謾道秦
箏有剩絃何曾爲細傳

又

燕子欲歸時節高樓昨夜西風求得人間成小
會試把金尊傷菊釐歌長粉面紅 斜日更穿
簾幙微涼漸入梧桐多少襟懷言不盡寫向蠻

賤曲調中此情千萬重

又

憶得去年今日黃花已滿東籬曾與玉人臨小
檻笑折香英泛酒卮長條插鬢垂 人貌不應
遷換珍釵又覩芳菲重把一尊尋舊徑所惜光
陰去似飛風飄露冷時

又

湖上西風斜日荷花落盡紅英金菊滿釵珠顆

細海燕辭巢翅羽輕年年歲歲情
美酒一盃新熟高歌數闋堪聽
不向尊前同一醉可奈光陰似水聲
迢迢去未停

瑞鷓鴣

詠紅梅

越娥紅淚泣朝雲越梅從此學妖
嘖臘月初頭庾嶺繁開後特染妍華
贈世人前溪昨夜深深雪朱顏不掩
天真何時驛使西歸寄與相思客
一枝新報道江南別樣春

又

江南殘臘欲歸時有梅紅亞雪中枝一夜前村
間破瑤英拆端的千花冷未知 丹青改樣勻
朱粉雕梁欲画猶疑何妨與向冬深密種秦人
路夾仙溪不待天桃客自迷

帶人嬌

二月春風正是楊花滿路那堪更別離情緒羅
巾掩淚任粉痕霑汗爭奈向千畱萬畱不住

珠玉詞

三十四

汲古閣

玉酒頻傾宿眉愁聚空腸斷寶箏絃柱人間後
會又不知何處魂夢裏也須時時飛去

又

玉樹微涼漸覺銀河影轉林葉靜疎紅欲徧朱
簾細雨尙遲畱歸燕嘉慶日多少世人良願
楚竹驚鸞秦箏起雁縈舞袖急翻羅薦雲迴一
曲更輕櫳檀板香炷遠同祝壽期無限

又

一葉秋高向夕紅
蘭露墜風月好乍涼天氣長
生此日見人中
嘉瑞斟壽酒重唱妙聲珠綴
鳳筵移宮綢衫廻袂簾影動鵲爐香細南真寶
錄賜玉京千歲良會永莫憚流霞同醉

連理枝

玉宇秋風至簾幕生涼氣
朱槿猶開紅蓮尚拆
芙蓉含蕊送舊巢歸燕拂高簾見梧桐葉墜
嘉宴凌晨啓金鴨飄香細鳳竹鸞絲清歌妙舞

画呈游藝願百千遐壽比神仙有年年歲歲

又

綠樹鶯聲老金井生秋早不寒不暝裁衣按曲
天時正好況蘭堂逢著壽筵開見爐香縹緲
組綺呈纖巧歌舞誇妍妙玉酒頻傾朱絃翠管
移宮易調獻金盃重疊祝長生永逍遙奉道

長生樂

玉露金風月正圓臺榭早涼天画堂嘉會組綺

列芳筵洞府星辰龜鶴來添福壽歡聲喜色同
入金爐泛濃煙清歌妙舞急管繁絃榴花滿
酌觥船人盡祝富貴又長年莫教紅日西晚畱
著醉神仙

又

閬苑神仙平地見碧海架蓬瀛洞門相向倚金
鋪微明處處天花撩亂飄散歌聲裝真筵壽賜
與流霞滿瑤觥紅鸞翠節紫鳳銀笙玉女雙

來近彩雲隨步朝夕拜三清爲傳王母金籙祝
千歲長生

山亭柳

贈歌者

家住西秦賭博藝隨身花柳上鬪尖新偶學念
奴聲調有時高遏行雲蜀錦纏頭無數不負辛
勤數年來往咸京道殘盃冷炙謾消魂衷腸
事託何人若有知音見採不辭徧唱陽春一曲
當筵落淚重掩羅巾

拂霓裳

慶生辰慶生辰是百千春開雅宴西堂高會有
諸親鈿函封大國玉色受絲綸感皇恩望九重
天上拜堯雲今朝祝壽祝壽數比松椿斟美
酒至心如對月中人一聲檀板動一炷蕙香焚
壽仙真願年年今日喜長新

又

喜秋成見千門萬戶樂昇平金風細玉池波浪

日三十一
三十七
穀文生宿露霑羅幕微涼入画屏張綺宴傷黑
爐蕙炷和新聲 神仙雅會會此日象蓬瀛管
絃清旋翻紅袖學飛瓊光陰無暫住歡醉有閒
情祝辰星願百千爲壽獻瑤觥

又

笑秋天晚荷花綴露珠圓風日好數行新雁貼
寒煙銀簧調脆管瓊柱撥清絃捧觥船一聲聲
齊唱太平年 人生百歲離別易會逢難無事

日剗呼賓友啓芳筵星霜催綠鬢風露損朱顏
惜清歡又何妨沉醉玉樽前

同叔撫州臨川人也七歲能屬文張知白
以神童薦真宗召見熙千餘人並試廷中
神氣不懾援筆立成帝異之使盡讀秘
閣書每有諮訪率用寸方小紙細書問之
從事仁宗尤加信愛仕至觀文殿大學士以
疾請歸留侍經筵及卒帝臨奠猶以不

親視疾為恨特罷朝三日贈謚元獻一時賢
士大夫如范仲淹歐陽修等皆出其門擇
靖又得富弼楊察賦性剛峻遇人以誠一生
自奉如寒士為文態嚴應用大窮尤工風
雅間作小詞甚暮子幾道云先公為詞未嘗
作婦人語也方虞毛晉記

珠玉詞

終